

LINGALA - "Who will deliver me?"


NANI AKOKANGOLA NGAI ?

Mokolo moko mwa lomingo nazalaki kosakola nsango elamu ya Yezu o mboka ya mokonzi moko o ekolo Lesoto. Boike bwa batu, na mpe mokonzi yango wa ekolo mpe mwasi wa ye, bayanganaki mpo ya koyoka liloba lya Nzambe. Liloba lya bomoi, lizali na nguya mpe lileki mopanga molai na bopotu liyingelaki o kati ya mitema mya bayoki.

Ntango ezalaki ngai kosakola, mwasi wa mokonzi monene, mwasi nkumu, abandi kolela mingi mpenza. Mpizoli ikiteli ye o matama, atelemi, agangi "Nani akokangola ngai? Bosalisa ngai soki bolingi, motema mwa ngai mokosala ngai mpasi mingi, nazali moto mabe mpe ya mawa!

Nani akosalisa ngai? Nani akokangola ngai na boombo boye bwa nsomo bwa lisumu? Ebongi nasala nini? Beoyebi ngai bino banso. Nazali mwasi wa mokonzi mpe lisusu moko wa basi basambelaka. Nakendeke losambo mibu ntuku ibale koleka; kasi manso wana masalisa ngai na eloko te; makoki te kokangola ngai; nakangemi na lisumu. Nazali momeli masanga mpe moboni. Maboko ma ngai matondi mbindo mpe mazali mabe, zambi

NANI AKOBIKISA NGAI ?



"Oyo akosala lisumu azali moto wa Zabulu.". 1 Yoane 3:8.

makosalaka masanga – eloko mabe mingi! Lisumu likangisi ngai maboko mpe makolo; nazali moto akokende o limfelo!

Lisusu aleki makasi mpenza, nsima afandi mpe agangi: Bosalisa ngai, bosalisa ngai! Nani akokangola ngai? Nani akokangola ngai na minyololo miye mya lisumu? Nalingi Nzambe, kasi lisumu likonzi ngai mpe likobenda ngai o nse epai ya limfelo. Nabomaki mwana wa ngai wa mobali ya liboso, nazalaki na bolangwa ntango nameneki ye o mokongo mpe ntango elangi ngai nakwei o mabele mpe nanyeti moto ya mwana wa ngai wa bolingo mpe akufi. Bosalisa ngai soki bolingi, bokangola ngai na liwa liye! Bopanganu bosalisi ngai te. Losambo ya ngai esalisi ngai te. Nani akoya kosunga ngai? Nani akokangola ngai?"

Nafungoli Biblia mpe nayanoli: "Boboto bozala na yo, kobwaka elikya te! Mipasi ya yo izali ya batu banso. Buku bwa Nzambe, Biblia, bokopesa eyano na bogangi bwa motema mwa yo. Matangi banda zomi na mitano kino ntuku ibale na mitano ya eteni ya nsambo ya monkanda ona bafristu ba Roma makoyebisa biso boni lisumu likokonza biso kasi makolobela mpe biso lisusu moto oyo akoki kokangola biso. "Bolamu, nayebi, bofandi o nzotu ya ngai te, elingi koloba, o nzotu ya ngai nazali na bolingi, kasi likoki lya kosala malamute. Zambi bolamu nalingi nakosalaka te, mpe nakosalaka mabe nakoboyaka." Lisumu liye lifandi o nzotu ya ngai likotinda ngai nasalaka mabe ntango inso mpe bolamu nalingi mpenza kosala, nakosalaka bwango te. Nakoyoka esengo na mobeko mwa Nzambe, engebene na moto wa kati; kasi o binama bya ngai mobeko mosusu mozali, moye mokobunaka na mobeko mwa mayele ma ngai mpe mokokangisa na mobeko mwa lisumu. Noki to nsima bogangi bwango bokokomela motema mwa moko moko: "Ngai moto wa mawa! Nani akokangola ngai? Soki tobeleli na Nzambe, akoyanola biso mpe akokangola biso.

EYANO

"Totondo Nzambe o nkombo ya Yezu Kristu Mokonzi wa biso." Baroma 7:25.

"Soki bongo Mwana asikoli bino, ndebokomi solo bansomi." Yoane 8:36.

Yezu azali eyano mpo ya mituna minso mya biso. Eyano mpo ya motuna mwa yo. "Libiki lizali na nkombo ya moto mosusu te, mpo tobika na yango." (Bikela 4:12). Bobele Yezu akoki kobikisa biso na masumu ma biso. Se makila ma ye masopanaki o Kuruse makoki kopetola biso na masumu manso ma biso. Monganga moko te, mono moko te, nganga nkisi moko te, moto moko te, mosakoli liloba lya Nzambe to sango moko te, Eklezya yoko te ekoki te kobikisa bino na masumu, Yezu ye moko, Mwa-Mpata ya Nzambe molongoli wa masumu ma nse akoki kobikisa bino na Makila ma ye mpe na nguya ya Elimo Santu wa ye.

"Yezu Mwana wa Nzambe ayei o nse mpo ya kofungola miso ma balolanda,

mpo ya kobimisa o boloko mokangemi, mpe baye bafandaka o molili.” (Izaya 42:6-7). Yezu alobi: “Moto oyo akosala lisumu azali moombo wa lisumu; kasi soki bongo Mwana (Nzambe) asikoli bino, ndebokomi solo bansomi.” (Yoane 8:34-36). Yezu azali bosolo bokopesa bonsomi.

Yezu Mwana wa Nzambe akamataki na nzoto ya ye ye moko likolo lya Kuruse masumu manso ma biso. Masumu ma bino mabakemi o Kuruse. “Nzokande, ezali mpasi ya biso ye amemeki; andimaki kokumba malozi ma biso. Azokisamaki mpo ya masumu ma biso, abukamaki mpo ya mabe ma biso. Etumbu ekopesa biso boboto etiamaki likolo lya ye, mpe na mpota ya ye inene tobikisami.” (Izaya 53:3-7).



“Soki bongo Mwana asikoli bino, ndebokomi solo bansomi.” Yoane 8:36.

Barabaisi azalaki mosumuki mpe mobomi oyo asengelaki kobomama. Asengelaki kobakema o Kuruse, kasi Yezu akamati esika ya ye mpe amemi Kuruse eye Barabaisi asengelaki kokufa na yango. Yezu, Mwana wa Nzambe abakemaki o Kuruse esika ya Barabaisi, esika ya yo, mpe ya ngai; mobomi akangwamaki zambi moto mosusu akufaki liwa lya ye. Bino na ngai tozali Barabaisi.

Lifuta lya lisumu ezali liwa, kasi likabo lya mpamba lya Nzambe ezali bamoi bwa lobiko na Yezu Kristu. Soki otali na boyambi Kuruse ya Yezu Kristu, okomimono yo moko mpe masumu ma yo mabakemi o Kuruse. Yezu akamataki esika ya yo o Kuruse mpo ozala na bomoi bwa seko. Asopaki makila ma ye mpo ya bolimbami bwa masumu ma bino. Zambi Nzambe

alingi mpenza mokili na moye apesi Mwana se moko wa ye ntina 'te batu banso bayambi ye babungama te, kasi bazwa bomoi bwa seko.

Ntango mwasi wa mokonzi ayoki maloba maye, ayambi Yezu na motema mobimba mpe apesi motema mwa ye na Yezu oyo akufelaki ye likolo lya Kuruse mpe asopaki makila ma ye ma ntalo mpo ya kopetola motema mwa ye na masumu manso. Apesi na Nzambe motema mwa ye momemi masumu mpe Nzambe amopesi motema mwa sika mpe atondisi mwango na Elimo Santu wa ye.

Bobebe te alimbisi ye masumu manso ma ye, kasi akangoli ye na nguya mpe na bokonzi bwa lisumu. Banda ntango yango, mibu miyike azali sika na bomoi bwa sika, peto mpe bwa bolongi. Akomeleke masanga te, ata likaya te; azali na bomoi peto na ndenge azali nzeneneke akongenge na bosolo, na bomonisaka 'te "soki moto asangani na Yezu Kristu, akomi moto wa sika: moto wa kala akufi mpe moto wa sika abimi." (2 Korinti 5:17).

Yo mpe motangi wa bolingo, okoki kosikwama na boyambi Yezu Kristu. Mokonzi Yezu alobi: "Yakani o mboka ngai, bino banso, bolembi mpe bomemi mikumba mpe ngai nakopemisa bino." (Mateo 11:28). Yakani o mboka Yezu, lokola bozali mpe ata bipai bozali. Bopesa na ye mpasi inso ya bino. Akozongisa bino te soki bobele mi na ye na motema soke mpe mobukani, kasi mwa boyambi. Ozali mbele moko wa lingomba lya Eklezia wa kala, kasi okangemi na lisumu. Yaka o mboka Yezu, akokangola yo mbala moko, ndenge moko abikisaki moto ya maba mpe ya lolanda. Yezu atikali kozala Mobikisi mpe akoki kobikisa motema mobukani mpe kosikola mokangemi. "Ye akolimbisaka mabe manso ma ngai, akobikisaka makono ma yo manso." (Nzembo 103:3).

Ntango osili kopesa motema mwa yo na Yezu, lobela basusu oyo asikoli yo. Bisu mpe, tolingi kozwa nsango ya yo.

J.R. Gschwend.

Si vous avez trouvé le salut en Christ ou si vous avez été béni par notre littérature, nous vous prions de nous le faire savoir. Nous aimerions remercier Dieu avec vous et prier pour vous.

Pour obtenir gratuitement de la littérature évangélique, des livres et des traités en plus de 540 langues, écrivez à:

E-MAIL: info@angp.co.za

ALL NATIONS GOSPEL PUBLISHERS

P.O. BOX 2191, PRETORIA, 0001, R.S.A.

(Une Mission de Littérature évangélique financée de dons)

(Reg. No. 1961/001798/08)